

In onn da giubileum reussì per la BCG

Il success en la fatschenta da credits ed en la fatschenta d'investiziuns han manà ad in resultat annual legraivel

Cuira, ils 4 da favrer 2021 – Il model da fatschenta vastamain diversifitgà da la Banca Chantunala Grischuna (BCG) è in factur da success impurtant. Era l'onn da la pandemia 2020 è el sa cumprovà. La fatschenta d'investiziuns ha furnì auts retgavs, era sche quels na cuntanschan betg dal tuttafatg ils resultats da l'onn da record 2019. Ultra da quai èsi sa mussà ina giada dapli quant impurtant ch'igl è da metter il focus sin ina cussegliaziun cumplessiva e cumpetenta da la clientella e sin ina ferma preschientscha en las regiuns.

Las cifras distinctivas:

- gudogn dal concern: CHF 180.9 miu. / -2.5%
- resultat da fatschenta: CHF 188.2 miu. / -6.8%
- afflussiun da novs daners: CHF 1.39 mia. (onn precedent: CHF 0.2 mia.)
- volumen da fatschenta: CHF 58.9 mia. / +4.6%
- gudogn net avant las reservas excl. minoritads: CHF 177.5 miu. / -5.0%
- creschientscha da las ipotecas: CHF +552.4 miu. / +3.2%
- relaziun da custs e d'entradas I: 48.7%; relaziun da custs e d'entradas II (incl. amortisaziuns): 52.2%

En il rom da l'examinaziun cuntinuada da la strategia èn las direcziuns strategicas vegnidas giustadas da nov e svilupadas vinavant. Il president da la banca Peter Fanconi: «Uschia segirain nus la creschientscha, ina productivitat surproporzionala ed ina rentabilitad attractiva per ils onns vegnints.» La realisaziun da la strategia è gia fitg avanzada. La banca lantscha proximamain divers projects e products. «Quels vegnan a sustegnair a media vista nossas iniziativas strategicas ed a rinforzar nossa posiziun», explitgescha Fanconi.

Per Daniel Fust èsi stà l'emprim onn da fatschenta cumplain sco CEO. «Nus essan cuntents cun il resultat. Quai che ans legra particularmain è il fatg che nossa banca è stada fitg productiva l'onn passà. Nus avain procurà per in'elavuraziun effizienta dals credits COVID-19. Savens essan nus stads damanaivel da nossas clientas e da noss clients en situaziuns difficilas ed avain elavurà cuminaivlamain soluziuns. Ultra da quai avain nus sustegnì a moda multifara il Grischun sco lieu economic e spazi da viver ed avain mussà che nus essan colliads fermamain cun noss chantun d'origin.»

La fatschenta da tschains

Il resultat da la fatschenta da tschains (CHF 258.9 miu.) è s'augmentà per 2.9%. La metodica da calcular l'import liber per bancas, adattada da la Banca naziunala svizra, ha franà l'onn da gestiun la tendenza negativa dals tschains da spargn. La schliaziun da rectificaziuns da la valur betg pli duvradas ha contribuì CHF 3.6 miu. al resultat.

La fatschenta da cumissiuns ha generà 31.8 pertschient dals retgavs

La fatschenta da cumissiuns e da servetschs ha cuntanschì il 2019 cun taxas dependentas da la performance ina contribuziun da record grazia al svilup excellent da la bursa. Cun augmentar las taxas dependentas dal volumen e da las transaziuns ha la sminuziun dal retgav pudì vegnir limitada a CHF 128.3 miu. (-4.4%) il 2020. Grazia a las participaziuns strategicas a l'Albin Kistler AG ed a la Banca privata Bellerive AG ha la BCG pudì surpassar cun 31.8 pertschient danovamain la finamira strategica che prevesa da generar 30 pertschient dal retgav cun la fatschenta da cumissiuns.

Ulteriur resultat: influenzà la performance dals martgads d'aczijs

L'onn 2019 ha la banca profità dals curs d'aczijs ch'èn creschids surproporziunalmain. La latta per l'onn da gestiun era damai fitg auta. Cumpareglià cun l'onn precedent è l'ulteriur resultat ordinari perquai sa reduci per CHF 8.7 miu.

Custs da fatschenta: ina relaziun da custs e d'entradas I da 48.7%

Ils custs da fatschenta inclus l'indemnisaziun da la garanzia statale èn s'augmentads visavi l'onn precedent per +4.2%. L'offensiva digitala, il project da giubileum "#gkb2020" e la recrutaziun da spezialists èn tranter auter responsabels per l'augment dals custs. La relaziun da custs e d'entradas II è creschida sin 52.2% (onn precedent: 49.6%). La relaziun da custs e d'entradas I da 48.7% mussa che la BCG tutga vinavant tar las bancas las pli productivas.

Resultat da fatschenta: il resultat operativ dal concern è sa reduci visavi l'onn precedent

Il resultat da fatschenta, sco mesira per il success operativ, è cun CHF 188.2 miu. 6.8% pli bass che l'onn precedent (CHF 201.8 miu.). La fatschenta operativa ha patì en emprima lingia da la performance main buna dals martgads d'aczijs. Quai è sa fatg valair tant tar las taxas dependentas da la performance en la fatschenta da cumissiuns sco era tar las valurs curregidas en connex cun las investiziuns finanzialas.

Gudogn dal concern: CHF 180.9 miu. / -2.5 pertschient

Il gudogn dal concern preschentà (CHF 180.9 miu.) po tegnair pli u main pitg cun quel da l'onn precedent. Sco spetgà n'ha il gudogn dal concern avant la furmaziun da reservas excl. minoritads cun CHF 177.5 miu. betg pudì cuntanscher il nivel da l'onn precedent (CHF -9.4 miu.). Il resultat correspunda ad in gudogn da CHF 71.21 per scrit da participaziun (onn precedent: CHF 74.98).

Ils emprests a la clientella èn s'augmentads per 3.2 pertschient

Suenter ch'ils emprests a la clientella èn creschids pli levamain cun +1.9% l'onn precedent, èn els puspè s'augmentads durant l'onn da gestiun per CHF +647.5 miu. (+3.2%). Quai è d'attribuir danovamain a las ipotecas extrachantunales d'emprima qualitat ed als credits consorzials / emprests cumprovads d'in certificat da debit. Ils basegns da credit finanziabels en il Grischun èn percurter sa reducids cleramain. Ils pajaments da la BCG per credits COVID-19 (Confederaziun/Chantun) han muntà la fin da l'onn a CHF 161.7 miu.

La facultad da la clientella è s'augmentada a CHF 38.1 mia.

La facultad da la clientella da CHF 38.1 mia. (+5.4% / CHF +2.0 mia.) è vegnida influenzada positivamain surtut d'afflussiuns da novs daners da CHF +1.39 mia. (onn precedent: CHF +184.3 miu.). L'afflussiun extraordinaria è d'attribuir en emprima lingia als daners da la clientella sco consequenza directa da la quota da spargn pli auta (pandemia da corona). In fatg legraivel è che la gronda part da las acquisiziuns en connex cun il volumen d'investiziuns ha pudì vegnir gudagnada en furma da mandats.

Dotaziun d'agen chapital: la quota dal chapital essenzial resta sur 20 pertschient

L'agen chapital resta cun CHF 2.8 mia. praticamain tuttina aut sco l'onn precedent. Quel include in transfer da reservas per ristgas da banca generalas en rectificaziuns da la valur per ristgas da sperdita inerentas. La ratio CET 1 dal concern è cun 20.4% (onn precedent: 20.9%) levamain sur la mesadad da la finamira strategica da 17.5 fin 22.5%. Ella surpassa uschia lunschor la directiva da 12% pretendida dal dretg da controlla. La resistenza da crisa che la banca persequitescha cun sia strategia sa reflectescha damai en ils paraculps calculads generusamain.

Distribuziun: era quest onn ina dividenda da CHF 40.00

Il bun resultat permetta a la banca da pagar era quest onn ina dividenda da CHF 40.00. En total distribuescha ella CHF 100 miu. en furma da dividendas al chantun Grischun ed als participants. Il chantun Grischun retschaiva inclus l'indemnisaziun da la garanzia statale CHF 87.3 miu. Al fond da contribuziuns per projects nuncommerzials dals champs cultura, utilità publica, sport, economia, turissem e societad ha la BCG assegnà CHF 3.7 miu.

In sguard en il 2021

La banca quinta era l'onn current cun in bun resultat. En vista a l'ambient economic vegn il gudogn dal concern a sa mover en il rom da quel da l'onn da gestiun. Sch'ils martgads d'acziun sa sviluppan tenor la media istorica, spetga la banca in gudogn da circa CHF 70.00 per scrit da participaziun.

Contact per ils collavuradors da medias e per investurs:

Banca Chantunala Grischuna, Medias & Investor Relations, chascha postale, 7001 Cuira
 Thomas Müller, thom.mueller@gkb.ch, telefon +41 81 256 83 11
 Daniel Daester, daniel.daester@gkb.ch, Telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna.

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1015 collavuraturas e collavuradors (stadi dals 31-12-2020). En il chantun Grischun cun sias numerus vals e pliras linguas, è l'interpresa represchentada cun 49 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 31.4 milliardas in gudogn dal concern da CHF 180.9 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2021: 29 da fanadur 2021
